

1 9 1 9

X

1 9 2 9

G. CONTI & C. - BERGAMO

1

CIRCOLO " GIUSEPPE GREPPI „

BERGAMO

DECENNIO
DI
AGGREGAZIONE

ALLA SOCIETÀ

DELLA GIOVENTÙ CATTOLICA

ITALIANA



Carignani

2



ALL'
Avv. Comm. CAMILLO CORSANEGO

CHE VIENE AD ACCRESCERE LA GIOIA

DI QUESTO LIETO GIORNO

I GIOVANI

DEL CIRCOLO " G. GREPPI „

DICONO

LA GRATITUDINE

E L'AFFETTO

DI CUI

SONO PIENI



AMÒ t'è rompe i scatolè
o Müsa del Parnas,
ma fam mia, come al sölet,
restà con tat de nas....

So egnit de te a bün'ura
perchè piö fresch i è i fiur,
l'aria l'è freschina,
gh'è 'n gir ü bel odur.

I seriülì che scör
i brüntula isse bel bel
dopo che l'acqua ciara
l'à ve zo d'ü cascadel.

Ol ciel al par d'arzent,
po la smicia l'aürora
...ura i sime d'i montagne
ol sul töte i a 'ndora!...

Me ores töta sta roba
cassà 'n del me servel
e 'nsema la natüra
cantà l'ino piö bel!

On'ino che 'n del cör
me sente a sbaciöcà,
ma Müsa detem te
i parole de doprà!

No pöde fa a meno
gh'è che ol decenal
e ön'ino òi sünaga,
ön'ino trionfal!

Dex agn de quando 'l Circol
 tra i file 'l se cassat
 de la " zoentù catolica „
 orgoglius, disciplinat.

Amò che 'l se smorsaa
 'n del ciel ü brusamet
 - che l'ia facc t'ò de mes
 del mond töta la zet -

Quando che s' i spetaa
 ormai a 'mpo de pas...
 eco che otre fiamme
 m'à est a söleas !...

Fenida la gran guera
 s' i speraa momenc piö bei...
 invece... ön'otra naia...
 e ülida 'n tra fradei!...

Con chesto bel prelüdio
 la nosta zoentù
 la cressia tra fastöde
 e bröte impressiù.

Prope 'n del bel che l'anima
 la comincia a aspirà
 a i gioie de la eta
 de amur e de böntà!

E se 'n del cör ol zuen
 al g'à piö gna l' ilusiù
 a l'è a 'mpo dificel
 che 'l tegne la resù.

Förtuna l'à ulit
 che 'n mes a ste magagn
 a 'm passes privilegiac
 senza proaga i dagn!

Ol meret al va töt quant
 a la nosta Asociassiù
 che 'n cö a 'n ghe rinoa
 la nosta gran passiù!

A le, che 'n chel moment
 l'à m'è fac amò sperà
 a ü domà piö bel, migliur,
 basat sö la erità.

Anche a i nosc anziani
 restenga öbligac
 e che m'è car de di
 a i nosc brae söldac!

Lür, che türnando a ca',
 i m'è dic: "siv zo de cera,
 zuegn, de scoragias
 l'è chesta la maniera? „

E i s'è metic de lena
 (come ü de lassö 'n trincea)
 a möv ön'otra guera,
 la guera per l' Idea!

E per chela, töc riünic,
 m'è fac ol giurament:
 "töta la nosta eta
 in be a 'n ga de spent! „

In chesce dex agn ol mond
 a spol dè che 'l s'è öltat,
 ma amò ol nost programa
 a l'è 'n del cör restat!

E chesta l'è öna tapa
 che se' n gh'è se riac
 urma i a 'n tira a ante
 fin che 'n s'è... crepac!

Semper dre a la guida
del Papa trionfant
m'à ardat de restà degn
del pato sacrosant.

E 'n cö, dopo dex agn,
non fa oter che esülta,
söl laüro - be s'entend -
de no staga a sifülà...

Per noter, per la Ciesa,
per l'Italia benedeta
avanti, avanti semper
infina a la gran Vèta!

Zueng: " *sursum corda* ",
so 'n aria anche i bicer
e ü brindisi pichenga
col vi che l'è sincer:

Eyiva 'l poer Grep
che l'è 'l nost titolar
se 'n gh'es po la förtuna
de edel so l'altar?

On'eviva a töc i amis
che aprov e de löntà,
eviva i zuegn catolech
e la nosta Società!

U brindisi special
a töc i dirigenc
fermi 'n del proposit
de esga übidienc;

U brindisi anche a i Soci
che 'n ga üt infina ier
e i sees förtunac
per via d' i tölt... moer!

In chesto dè de festa
per nöter d'i piö bei
a töc a 'n gh'è fa 'l brindisi,
töc quanc i è nosc fradei!

E inegiando al Papa
e a la Famea Real,
eviva, 'n fi, 'l nost Circol
e... 'n trinche zo ü bocal!...

Ambrös

BERGAMO,
il dì dell' Immacolàta 1929.

BENE, anche questa volta, contrariamente ai suoi timori, la Musa non ci lascia con tat de nas.

E le lasci sempre cantare, nella bonaria e saporita espressione, le gioie delle nostre commemorazioni od i sorrisi della nostra giocondità.

Anche sotto questo aspetto si manifesta la vivacità della nostra gioventù.

Cordialmente suo

RODOLFO VICENTINI